

Boko 214nan songo d. 21  
2003 san Utikalo

# Jekabaara



World Vision

Cikela ceman n'a musoman kunnafoni seben

a be bo kalo o kalo

Jamana baetradia la BP - 2043 Bamako (Mali)

## Furakeli labanw jɔyɔrɔba bε koori sɔrɔ sankɔrɔtali la


ne 2-3 ni 4nan

### Dantigelian

Aa ! Jinnan san taabolo in bε ka maa nisondiya dere. Hali ni maa min te senekela ye, hali ni maa min te cikeduguw kɔnɔ sigibaga ye, i kɔni dan ye ka metewo ka lasew lamen don o don walasa k'a don ko sanji bɛna a nɛma an ka jamana fan bɛe fe ! O ye Alataanukoba ye. N'o ye cikebaliw nisondiya, a bε cikelaw de hakilisigi de ani k'u hakilatige. Aa, an kana kuma k'a danmatem. Nin kuma in na, an ka cikela banyereyew den kerefe, barissa san diya n'a goya bɛe, olu ka jingine te fa abada ka s'a tilance ma ! N'a yere lankolon ma to tuma bɛe kɔni.

Nin de kanma n b'a nini cikelaw fe an kana dan nisondiya gansan sɔrɔli ma sanji ka nacogo numan in ko la. Nk'an k'a nini k'a tɔnɔ bɔ a nɛma an ka forow kɔnɔ. Wulijoona kelen kofe, an k'an ka senefenw ladan : ka kɔoriforow furake, ka binjuguw bɔ sumanw kɔrɔ, ani k'an ne lataa sanga ni waati bɛe an ka tigaforow n'an ka banankuforow wulicogo numan fe. Hali ni samiñe duman te nakosenewaati bɛrebɛre ye, an k'a don ko samiñe duman nafa sɔrcogo numan de b'a to tilemafe-nakosene lakika bε ke ni hakilatige ye.

Tumani Yalama Sidibe



## Nonsonbugu World Vision nemaa ko di u ka baara ka taajε kan

ne 8-9 ni 10nan

## Welesebugu komini lahalaw

ne 4-5 ni 12nan

Faantanya kεlεbagɑ  
y'an yere ye

ne 11nan

An ka yεlε doɔnin


ne 12nan

"Ka lan bε mɔgɔ sɔn hakili, la nka kunnafoni bε mɔgɔ bɔ kunpan na» Yɔrɔ Ulen Sidibe"

# Ka se ciklaw ma

N balima ciklaw

**K**a da sanji hake binneñ  
kan kabi mëkalo, an be  
se k'a fo ko samine da-



Usman N. Tarawele

mincogo ka ni koɔriseneyɔrɔ  
la. O misali ye danni kelen  
hake ye, minnu be tali ke san  
saba laban ninnu taabolo kan,  
ka se zuwenkalo tile 30 ma,  
n'o ye danniwaati bërebëre  
lañininen ye.

geleyaw ta ye : (sanjidesé ;  
koɔri sɔrɔ ni sumanw sɔrɔ bin-  
ni).

2003/2004 baarasan taabolo  
be maa hakilisigi ka teme baa-  
rasan nefta fila fofo kan.  
Sanfe-katimu in kɔnɔ kunnafo-  
niw b'o sementiya. An be du-  
gawu ke Aka ka Sanjiko sab-  
ti nin cogo la baarasan kuuru  
kɔnɔ.

Ni dannijoonaw b'a to an ka  
d'a la k'an ka koɔri sɔrɔta bolo-  
dalén be waleya, nk'o k'a sɔrɔ  
lakolidenw fana ka ladilikanw  
be labato ciklaw fe.

Fen min ye koɔri ta ye, an k'a  
ke cogo be se la forow ka se-  
nuya. (ka binjugu be se bɔ koɔri  
kɔrɔ). Koɔri ka furake ni CMDT  
ka fura dilenw ye, fo ka taa se  
koɔridenw dayeléli ma. O ka ke  
ni koɔrifurakε minen  
lakodonnenw ye (Misali : "Ber-  
lañininen ye".

A to be ne 3 nan kan

Senefenw	2003/2004 tari hake	2002/2003 tari hake	2002/2001 tari hake	Kɔlosili
Koɔri	453 017	249 839	41 990	Sanw be baarasanw de la
Kaba	170 261	83 722	108 950	
Keninge	267 373	144 620	210 723	
Sajo	216 165	91 272	158 722	

(A ye katimu laje).

yali aw hakili b'a la ko  
2001/2002 baarasan diyara  
wa ? Koɔri sɔrɔ ye sankɔrotaba  
kura sɔrɔ (CMDT ye toni  
535,467 kε ; OHVN ye toni 570  
989 kε. O baarasan na. Awa  
sumanw fana sɔrɔla kosebε.  
Nka 2002/2003 baarasan kera

## Dijetaama

Dijetaama ye kɔjantigε ye.  
I be kɔ dɔ tige  
walasa ka se kɔ wəre ma.  
Nk'o kɔtigε bεe n'u ka dankunw  
don :  
i te se ne si ma  
ka dankun wəre lasɔrɔ  
n'i ma senkɔrɔ dankun kɔsagon.  
Maa min b'o ke  
o tɔgo ye ko kɔrɔtɔbaga.  
Ale be kɔrɔtɔ cogo min  
ka to goni to a dunbagaw bolo,  
a be kɔrɔtɔ o cogo kelen na  
ka bɔnε a ka dijεnatigε la.  
N'i dara, i be balo ;  
N'i balora, i be sa.  
Awa  
o waatiw furance koketaw  
be ke. Barisa a kera cogo o  
cogo  
o y'u kelen ye !  
An ka baara ka dijε diya  
Nk'an ka muju baara kɔfε  
ka dijε makɔnɔ.  
O la, an te fo a ne juwan kɔ  
barisa mujuwaga de ye tɔnɔ  
bɔbaga ye.  
Nk'an ka baara kasɔrɔ an ma  
kɔrɔtɔ !

Tumani Yalam Sidibe

## Hakilisenekeñε

Dijε diya n'a goya, nin si te taa u latemebaga  
kɔ. Maa si te keninke sɔrɔ sajɔ dannen foro la.  
Maa mana danfen min hakεnin dan, i b'o hakεba  
de tige. Tige don, samine sanji fana taabolo b'a  
la. Dakun wəre dun te sanji yere la nali kɔ !



Tumani Yalam Sidibe

*ne 2 nan to*

tudi C5 "Misiyon ULVA +" geleya fən o fən mana soro tijenifew kéléli la, o ka kan ka da lakolidenw tulo kan walasa ka fura soro a la.

Kaba bə tubabunogə fe kosebe. (Sumannogə ni ire). Sumannogəw sɔrɔlenw ka kan ka don kabaforow de la fō. O bə kaba tari soro sankorotali bɔ siga la. Kabaforow fana senuyali ye wajibi ye.

Jyɔrɔba bə keninge ni saŋo la an ka baloko la. Senefen fila ninnu faralen jɔgɔn kan, o de senekene ka bon n'an ka



senefen tɔw bəe ta ye.


N'an y'olu senekenew fana senuya, an b'u sɔrɔba ke.

CMDT ciklaw, an k'an yereben walasa an bə nafaba soro dannijoona la. Fən min ye furakeliko juman ye, an kumana min kan sanfe, o t'an baliko ye ka fara forolandown kan.

Ala ka san diya an bəe ye. Cikela cema n'a musoma.

**Usumani N Tarawele  
CMDT kalanfakuntigi  
CMDT ne'maayada (Bamako).**

## Kɔori furakeli labanw



*Adama Trawele*

Kɔori furakeli nafa bonya kamma, an y'a kanu ka kuma a kan kokura boko in kono, barisa baa-ra in bə to senna fo setanburukalo. Jekabaara kosafeboko (Zuluwe kalo) kono, an kumana furakeli taabolo ninnu kan :

- furakeli nafa
- Kɔori tijenifen lakodonnenw
- furakeli taabolow

- furakeli kɔcogo  
- yerebanga furakeli senfe.  
Ninnu wale yelenw bəe la, taabolo dɔw ka kan ka fō ka geleya ciklaw ma kosebe. Olu ye ninnu ye :

- Ko "elikoweripa" ntumu ka yeli labanw bə ke setanburukalo de kono (a ye jekabaara zuluye-kalo boko laje).

- Ngaranganinw ni dimogo jemanw fana ka yeli labanw bə k'o waati kelen na.

- O de kanma furakeli labanw bə ke setanburukalo de la.

**I elikoweripa ni ngaranganinw ani dimogo jemanw ka boli labanw setanburukalo la.**

Setanburukalo la, ja waatininw bə ke tuma dɔw la, an bə elikoweripa y'o waatiw la kɔriforo tijeni na. Olu bə kɔriden selenw tijen. O bə se ka kɔri soro nagasi kosebe. O waati kelen na fana, ngaranganinw ni dimogo jemanw bən'u firi kɔriforo kan. Olu bə ye kɔribulu sokonew kan, u bə

nɔrɔnan bən yɔrɔ min ka se kɔori koloma ma, n'o bə ke sababu ye ka na ni nɔrɔnan kɔori ye. O bə se ka ke sababu ye ka kɔori mangoya.

### **II furakeli labanw taabolo**

Jyɔrɔba de bə furakeli labanw la kɔori soro ko la. Furakeli labanw de bə ke sababu ye ka kɔriden - kuru kɔgbaliw kisi tijenifew ka kasaara ma. O de kanma furakeli labanw ka kan ka ke a ne'ma. O bə kɔori kisi ani k'a sawura sankorota. An ka taa kɔori furakeli fe fo ka se kɔriden dayeleli ma.

Fura keta minnu kanunen don furakeli labanw la, olu ye gamu filanen ni gamu sabanan de ye, walima "siperimetirini".

A kafisa mafalen furaw fana ka labaara, i n'a fō «sipinozini».

### **Furakeli labanw nafa soro ko la :**

Furakeli labanw kɔbaliya bə se ka kɔri soro bin ani ka cikela ka nafolo soro nagasi.

**Misali : furakeli labanw kɔbaliya maasiba tari la :**

Dannidinge hake tari la : 125 x 333 = dingé 41625;

**A tɔ bə ne 4nan kan**



*An ka kōri tijefenw kēleli walen to senna fo setanburukalo. O b'an ka sōrō jiidi*

Sun hake tari la :  $41625 \times 2 =$   
sun 83250

N'an ye jateminé ke ko kōriden kelen bē tijé kōrisun kelen-kelen bē la (o y'a dōgoyalen ye), ka da furakeli laban kēbaliya kan, an b'a ye k'o bōnōda hake

bisigi ye nin ye :

- Sun 83250 x Kilo 4,5 = kilo  
374,625

O wari hake :  $374,625 \times 40 =$   
dōrōme 14185

O bōnōwari mana sanga furaji  
litiri kelen sōngō ma, o b'an lase

dōrōme 14118 de bōnēni ma an  
kun.

#### Lajiniw

- ka furakēminen lakikaw la-baara
- ka furaw ke minnu kanunen don ka bēn kōri ka taajé waatiw ma
- ka furakeli ke a kēwaatiw hakew la.
- ka furakeliw taabolo labato
- ka furakeli labanw ke fo ka se kōridenw dayelēli ma.

#### Adama Tarawele

CMDT/DTDR nēmaa dō

**Kōbsili** : Ni nin ko fōlen fēn o  
fēn faamuyali geleyara aw ma,  
aw b'aw magere lakolidenw la,  
olu b'aw bō kunpan na.

## Welesebugu komini lahalaw

Welesebugu ye duguba ye min sigilen don kilomētērē 85 a ni Bamako cē, Sikaso siraba kan. Welesebugu kubeda (Welesebugu n'a ka maraduguw) de kēnē bē wele ko jitumu. O bē Samake bamananw ka kotigya de jira siginjogonya taabolo numan kōnō, u ni dunbiyaw ani Bagayokōw, ni Sumaworo korogow ni njogon cē.

Yiriwa cakēda barikama caman bē Welesebugu : senēko yiriali, sigida lakanani, kalanko sabatili, cēw ni musow ka bōnōgōla siraw bōli... Ninnu n'u njogonna caman ka fara u kan. Mara tanbaboli (desantaralizason) siratege la, komini fila de bē Welesebugu kubeda kōnō : Welesebugu komini ani Sannankōrō Jitumu komini. Nka mara kunda, kumanda kelen si-gilen b'a kubeda kunna.

Welesebugu kubeda sigibagaw sigilen bē sēnē de kan. O siratege la jo ni kaba ani malo ni keninke bē sēnē u tē a nēma dunkafa siratege la. Fēn min ye nafolo-sōrō sēnēfenw ye, kōri ni tiga bē cike kōsēbē. Walasa ka barika don o cike la, Otuwale (OHVN) ka sekiteri dō banbanen bē yen, min nēmaaya bē Fode Kumare bolo.

An ka taama senfē, an ni Ge-juma Samake masalara, n'o ye Welesebugu mēri ye, ka fara a ka kōrsigi kan. An ka barosigi kēra Welesebugu kubeda nēmaa (kumandan) yērē fana fē, n'o y'an balimake Sise ye, nin nēmaa kelenkelen bēs y'u fēta fo an ye Welesebugu dugu ; a komini an'a kubeda taabolo kan. Sanni an k'olu ka fōtaw lase aw ma, an b'a jira aw la ko ni Welesebugu sigilen bē sēnē de kan,

k'a bolominēyōrō dan t'o ye : Baganmara ni jago ani bololabaara fana bē ke yen kōsēbē. Fēn min ye dugudenw ka jamanafasōrōbaara saralama kēyōrō ye, an donna CMDT ka kōri wurusi izini kōnō, k'o yaala a nēma. Tijé don baara ma daminē yen fōlō, nk'an ni nimisiwasa don, barisa an b'a dōn ko n'a ye baara daminē waati o waati, ko Welesebugu kubeda denmisē caman bē baara sōrō. A dun mēen o mēen, a na baara daminē don dō !

#### Kōrisēnē n'a nōfē sēnēfenw

Ni maa min ko ko kōrisēnē ni a tōnōbōda Mali kōnō, i bē CMDT jōlen y'i nēkōrō teliya la, o min y'a cakēdadaba ye. Ale de bē kōri sannifeere laben, k'a boloda ani k'a lase dijé kōrisugubaw kōnō,

*A tō bē je 5nan kan*

**je 4nan to**

a wurusili keko juman kelen ko a fe a ka iziniw kono. An b'a fo ko CMDT de ye koɔriko kaloba y'an ka jamana kono. Nka, dijne waa-ti bεe doolo je dumanw yera kalo kεrεfε. OHVN y'o doo-lo je duman ye koɔriko la CMDT dafε an bara yan. Tijε don, iziniw t'ale bolo, a yama-ruyalen te u ka k'a bolo yεre, tijε don, ale yamaruyalen te ka koɔri kɔkanfeere ke. Jagomanfila de b'ale ni CMDT ce. Awa cikela caman de be bo o jeŋɔgɔnya nunma OHVN ni CMDT ce, k'a ta manden, ka na Beledugu ka t'a bila Jitumu. A ka c'a la, CMDT be demedon keŋetaabaa-ra fεn o fεn lawalenyali la a ka maraw kono, OHVN fana b'olu waleya a taw kono : sirabadi-lanw, kalanko matarafali, musow ka bɔnɔgɔlasiraw sabatili... ka fara ciklaw bilasira konuman kan sεnε keko juman siratege la. N'an dun ye OHVN ka cikεka-fow (Sekiteri) laje, an be t'a sɔro ko jɔyɔrɔba be Welesebugu sekiteri la, ka d'a sigicogo yεre kan. Fεn min ye adamadenw ka kenεya sabatidaw ye, Welesebugu dɔgɔtɔrɔso b'a seko la o la. Furakeli gansan, ka se operasɔnw ni bana gelən werew baasili ma, fo ka se nifurakew ni nεfurakew ma, ninnu bεe be ke Welesebugu dɔgɔtɔrɔsoba la, dɔgɔtɔrɔbaw ani dɔgɔtɔrɔ misenw ni muso-dɔgɔtɔrɔw ka seko n'u ka dɔnko dabaliw kono. Ka fara o dɔgɔtɔrɔsobaw kan, dɔgɔtɔrɔso misenninw fana caman be Welesebugu kubeda duguw kono, minnu dɔgɔtɔrɔw be banabaatɔw kubɛn baara dɔnniya kono.

**Lewɔnsi Mari Bagayoko**

**Jitumu Bala, Bala sabali ani Bala kunubali !** Diinεko siratege la, silameya ni kerecεnya be da la haali Welesebugu. Nk'o n'a ta bεe, Welesebugukaw jan ma bo u bεnbake ko je si ma, n'o ye Bala ye. Welesebugu yεre kɔfε, Bala ye ce ye min tɔgɔ donna tariku tunubali la i n'a fo diinεbaw cεbaw. O be cogo min Mali jamana tɔnkun naani be kono, o b'o cogo kelen na Mali jamana kɔkan. Mandemara jamanaw bεe kono, Jitumu Bala tɔgɔ be fo dijne don o don cεnbuguri kunna domaw ni somaw ani cεnmasaw fe. A dɔnbaw ka fo la, Jitumu Balako ju be ta san kεmε caman de kuncεyɔrɔ la. Nka, tariku dɔnbaa ɔnanaw y'a ko jujɔn ta 1800 sanw kono. O b'an hakili latige kɔni fεn kelen kan. O ye ko Balako te nsuirin ye, nka maa don min y'a ka dijεsosigi ke dugukolo in kɔkan.

San o san, Jitumu Bala ka sanyelema-sɔnniba be ke Welesebugukaw fe. Awɑ, a ka ladala sɔnniw be ke dijne don o don Janinkɔrɔ dugu kono, a ka sɔrɔnna-don ɔnibagaw fe. An be don min na i ko bi waati, jitumu Bala n'a ba Tεnen tɔgɔmanw be dijne fan bεe fe.

**Kungobaw sɔrɔyɔrɔ**

Welesebugu kubeda ye kungomayɔrɔ ye. Awa kungosogow fana be bala ka y'u furancεw la: mankalaniw, minεnw, kosokasaw, lew. Fεn min ye nsosanw ni dugumafεnw ye, olu be sɔro a fan bεe. Awa jiri nafamaw b'a kungodaw kono kosebe : jiriden duntaw, furajiriw fo ka se makonjiri werew ma. Simɔ ni nsaban ani benben ni jiriden du-man caman werew be yen. Fεn min ye di ye, o gεrεgεrε dasilen be Welesebugu kungodaw kono a nεma. Awa, a fɔli ko nin di masina bɔra Welesebugu, o danma

be diwaaro caman fo disugu kono !

**Kunnafoni jensεn konuman**

Ka fara faso Mali arajosoba kan, o min lamennan don Welesebugu fan bεe, sigida-kono-arajoso fila fana sigilen don Welesebugu, kūnpabɔli kanma sigidaw maaw la sira bεe kan.

Welesebugukaw fana sεbε donneñ don baara ma, a ce n'a muso. O de kanma, Welesebugu kūnɔgɔnsugu (juma) n'a dafesuguw be fa waati bεe makonjefεn nεnamaw la.

An ka Welesebugu nεmaaw lamεn.

**- Lewɔn Mari Bagayoko ko di ?**

Lewɔn Mari Bagayoko ye Welesebugu meri ka sεbεnεbɔla ye. A kumana an ye Welesebugu komini kan, nin cogo la :

Dugu 44 de jelen be Welesebugu komini kono. Komini kono amaden mumε kasabi ye maa 35 050 de ye.

Welesebugu komini keŋeka fe, Sanankɔrɔba ni Jalakɔrɔba kominiw be yen ; Keleya komini b'a worodugu fe; Sanankɔrɔ Jitumu komini b'a ni kɔrɔn ce ; Farab'a b'a ni tilebin ce.

Welesebugu kungodaw ye fugaw de ye. Tintinmayɔrɔniw fana be yen, minnu kundama te temε metere 100 kan.

Jibolida saba be Welesebugu komini kono : Welesebugu kɔ, Nkɔrɔbugu kɔ, Dènfara kɔ.

**Meri Gejuma Samake ko di ?**


Welesebugu komini ye komi-niba ye ka d'a jeduguw hake kan : (44). A ka salenwari ladonta san kono (takisi), o ye sefawari dɔrɔmε 23 000 000 de ye. Ala ni OHVN ka wulikajɔ kanma, sira-baw kelen be ka Welesebugu komini duguw bεe bila nɔgɔnna

**A to be je 12nan kan**

## Afriki gun kunnafoni

**K'a damine kelenya la (OUA) ka se farogonkan ma (UA)**

K'a ta San 2003 zuluyekalo tile 10 don na fo ka t'a kunce a tile 12 don na, Afriki jamana 53 mumé nemaaw tun faralen be nogon kan, nogonyeba kono maputo dugu kono, n'o ye Mozanbiki jamana faaba ye. Nogonyeba in tun be sen kan kun kelenpe de la. O ye ka waleyayeelen don hakilina numan senkoro, min bora Libi peresidan yoro kabi san 1998 waatiw la. O ye ka yelema don Afriki ka kelenyatona la (OUA) la, o min sigira sen kan san 1963 Afriki jamana kan jurumaw boli kanma jonya la. Sisan, bee b'a don k'o waleya min tun nininen be OUA fe, o ser'a dan na lakika yere la. Jamana kelenpe te Afriki gun kan bi belen ko min yoramahoronyalen te. K'a ta san 1963 mekalo tile 25 la, ka se bi ma, Afriki gun jamanaw bee y'u ka yoramahoronya soro. U kono sen ma bo geleyaw kontoama na, min kera sababu ye sanga ni waati bee a jama fanba ne ka bo korenw fe, n'o ye naansara juguw ka mara waati ye. Ni kongo ma ye jamana minnu kono, bana juguw de cunna olu kan ka maaw negan. Fen min ye fadennyakelw ye, jamana caman denw ye mugu ni kise ta ka dancari nogon ka adamadenya la (kongo demokaratiki ; kongo barazawuli ; Nizeriya ; Sera Leyoni ; Liberia ; Uruwanda ; Burundi ; mali ; Nizeri ; Uganda...). Fitine ninnu tasuma wulili ma se ka kuben cogoya si la OUA sariyasew Kadara kono. A caman fitine



*Modibo keyita : Mali ni Afriki cebo do*

tasuma fagabagaw kera marabaga koro naansaraw de ye. Afriki kera gun yoramahoronyalen ye, min kono jama kamanaganna u koyoroko n'u munyoroko la. Fen min ye nemaaw ye, Olu fana ye masa nonabilabaliya sawura ta jamana caman kono. U y'u facinuya taamaseere di fanga ma sira bee fe. A kera, i n'a fo u ni u ka jamanadenw be Ala kelen dorende de la, nonte u te jamana kelen kono. Ka soro jamanadenw be nani jugu la, olu n'u masuruna mogow be dije arijana nakobaw kono, finge sumalen te kotige u la min kono abada ! Awa, kamanagankoba min be nin ko bee jukoro, o de ye ko an ka nema fanba ma u ka fanga senkoromadonbaga werew soro naansaraw ko. Yali mun ko were be se ka bo o kono jidiliwale senkoro maceli ko ?

Nin bee de kanama, a yera ko OUA y'a sigikun lasoro a nema, n'o tun ye jonyajuru boli ye jamanaw kanna. Nk'o n'a ta bee, a y'a ka dese jira bonogolasira to bee, ani lakanasira bee waleyali la. O

*A to be ne 7nan kan*

## U ko...

An ye "OUA" waatiw ke. An ka tonba o y'a sigikun siraw tiime haa li. Bi, jamana kelenpe te Afriki gun kan min ka yoramahoronya t'a bolo. "UA" sigilen file sen kan an bolo. N dalen b'a la k'o bena ke sababu ye waati kuntaala surun kono, k'an deme k'an ka gun kono geleyabaw kel, minnu togo ye : sokonokel ; bana juguw ; dancarili josiraw la...

**Elaji Umaru Bongo  
Gabon jamanakuntigi**

Afriki ye gun ye sinjessigiba be min ye. Nk'a ka da a yere joyero barika la dije gun tow cer. An ka geleyaba de ye danyerelabaliya ye bi. N hakili la "UA" bena ke sababu ye k'o geleya silatunu.

**Zowakimu Sisano  
Mozambiki jamanakuntigi**

N b'a nini malidenw bee fe, cema n'a musoma, an ka fara nogon kan k'an ka deme lase Mali cebo Alifa Umaru Konare ma. Ale ka walew sabatili "UA" kotigya la, o ye maliden bee de ka kunnawolo ye.

**Amadu Tumani Ture  
Mali jamankuntigi**

N ka walejumandon-foli be nesin an ka peresidan Amadu Tumani Ture ma, a ka wulikajow kanma, kene kan ani gundo la. O wulikajow de y'an lase "UA" nemaaya dakun in na.

**Alifa Umaru Konare  
"UA" kolatigeda nema.**

An nisondiyalen don n'an kelen ye k'an yere ye kokura Afriki dubaton in kono, an ye san kelen ke min kofe.

N ka foli be nema bee ye, minnu ka wulikajow kera sababu ye ka an ni Afriki tonba ce geleyaw duga.

**Mariki Arawalomanani  
Madagasikari jamanakuntigi**

**je 6 nan to**

de nana ni fara njogonkan hakilina in soroli ye ka jesin Afriki jamanaw mumse ma. A kolabesnjogonye folo kera san 2002 Togo jamana faaba kono, kan'a kolatigednjogonye sigi sen kan nin ye san 2003 zuluyekalo tile 10-11 ani 12. Jamanakuntigiy ka njogonyeba in kera Afriki jamanaw ka farajogonkantonba denkundikene ye. Den don, min wolofaw ye Afriki jamanakuntigiy bee ye. Nka Iadonbagajekuluba b'a la min nemaaya dira an ka jamanakuntigi koro Alfa Umaru Konare ma san naani kanma. O fana ye do fara mali jamana ka jyocrofa kan Afriki ka bongolasiraw boli la. Aw k'a laje banni :

\* Mali y'a ka yemahoronya ta san 1960 setanburukalo la. A tun pereperelatigelen don ale kelenpe de ka ka jamanamarasariya gafeba (konsitilison) kono, k'a labennen don ka bongo a ka yemahoronya o taabolo do la, walima a taabolo bee yere, walasa Afriki ka kelenya be sira soro !

\* san 1963 waatiw la, fadenma jekuluba fila tun sigilen be sen kan Afriki jamana yemahoronyalen kuraw nemaaw fe :

«kazabilanka» jekuluba ani «Moriwiya» Jekuluba. An ka jamanakuntigi Modibo keyita, ni jamanakuntigi wrew de ka wulkajo kera sababu ye ka tonba fila ninnu bee nemaaw ka hakilina fara njogon kan, u ka lajere Adisabeba (Ecopi jamana faaba) san 1963, mekalo tile 25, o jama masakeba ka dunnanjatiyya kono, n'o ye masake Hayile Selasiye ye, walasa ka OUA biri-

ki folow da. Nka OUA ma se hali ka o nemaabaw ka fanga dafirili kojugu bali senkorjuw fe. Modibo Keyita ni Hayile selasiye yere sara walenumandobaliya - kaso jugu la.

\* k'a ta san 1982 la, ka se san 1990 ma, OUA nemaaya tora



**Alifa Umaru Konare «UA» koltigeda nemaaya folo**

mali bolo san naani rukuraya fila kanma.

\* Nka, sanni ka se nin bee ma, mali jamana y'a ka kelenya lanini waleya jamana caman were fe : Senegali (Mali federason) ani Togo. Nk'o si ma sira soro, barisa n'i y'i pan ka soro i panniknjogon

ma pan, i kelen de sen be dugu lasoro kokura k'ale to a no na !

Mun be Afriki ka farajogonkantonba (UA) ni Afriki ka kelenyattonba koro bo njogon ma ?

- Afriki togola depilesoba ;
- Afriki ka netaa lanini jekuluba ;

- Afriki togola lakanattonba, kelcew ka kan ka soro min bolokoro dancekelew ni sokonokelew kubenni kanma Afriki.

Jamanaw ni njogon ce an'a jamanaw kono. I n'a fo «OUA», farajogonkantonba in fana dagayoroba ye Adisabeba de ye, n'o ye Ecopi jamana faaba ye. San were (2004 san), jamanakuntigiy be farajogon kan yen yere de wa'la ka kiimeni ke farajogonkantonba kura in ka san folo walew kan. An be dugu-wu ke yen fana kana ke kumamugu gansan foyoro ye dumuni-baw kunna, gansan kan, i n'a fo an n'e delila a caman yeli la cogo min. O b'a jira ko baara de be mali jamana n'a ka cebu Alfa Umaru Konare bolo, fo baaraba !

**Tumani Yalam Sidibe**




**«OUA» o, «UA» o, Afiki fasodenw koni be ben ni sigida kono hakilatige de nini haali, bi**

je 7nan

Jekabaara boko 214

Utikalo san 2003

# Jekabaara ni Nonsonbugu World Vision nemaaba ka masala



*Mariki Goyita*

**N**onsonbugu World Vision césirilen bë yiriwalibaaraw waleyali fe Kolokani mara komini 4 kono, minnu ye : Nonsonbugu komini, Wolodo komini, Coribugu komini, ani Nonkon komini ye. O hukumu kono, jéñogonyabaara min bë World Vision ni jekabaara ce, o sira fe, k'a ta zuwenkalo tile 9 la, ka taa se a tile 11 ma, jekabaara ka ciden do ye taama ke Nonsonbugu. O ye dugu ye min bë Kolokani mara la. A ni yen ce ye kilometre 55 ye kënjekayanfan fe. A ni Bamako ce ye kilometre 67 ye bayanfan fe. Nonsobugu ye bëledugu duguw la kafotigidugu koro ba ye kabini tubabutile.

A dugumaaw ka baara fanba ye sene ye ani baganmara, ka fara jago kan. O siratige la, walasa ka sigida dème u ka yiriwali baaraw la, san 2000, World Vision bolofara do taara sigi Non-

sonbugu. Jinan y'o san 3 ye. O la, an ka taama in senfe, an ni Nonsonbugu World Vision nemaaba Mariki Goyita ye baroke ka nesin World Vision ka kuntilennaw ma. O senfe, a ye kunnaфонi minnu d'an ma, olu file.

**Jekabaara : Mariki Otoze Goyita, World Vision bë Nonsonbugu yan a bë san joli bo ?**

**Mariki Otoze Goyita :** World Vision bë yan a bë san saba bo. Ka d'a kan, an nana san 2000 okutoburukalo la. O ni jinan ce ye san saba ye. An tun bë baara ke komini saba kono, Nonsonbugu komini, Wolodo komini. Kosa in na, an ye komini kelen fara saba kofolenw kan, n'o ye Coribugu komini ye. O la, an bë baara ke komini naani de kono sisani.

**Jekabaara : San saba in kono, baarañogonya sira fe a ni komini**

*ninnu kono maaw ce, e ka kôlosili la, i bë se ka mun f'an ye baaraw taabolo kan ?*

**M. O. G. :** An ka jamana in kono yan, geleya dow b'an kan minnu be teme an se kan tuma dow la. O geleyaw te doweré ye, an yerew y'a kôlosi ko baara naniya be an baarakéñogon na kosebe, nk'a keminenko n'a kécogoko geleya b'u kan kosebe. O hukumu kono, an y'an ka baa-ra kunfolo nesin maaw lafaamuyali ma, ani ka taabolo cogoya don komini naani ninnu koro.

**Jekabaara : World Vision yere nakun ye mun ye Nonsonbugu yan ?**

**M. O. G. :** World Vision nakun yere ye mun Nonsonbugu yan, walasa ka komini naani ninnu maaw bilasira, ka masoro maa te se ka bila maa ne a ka kow la?

N'i ye anw ka bilasirali in koro yere laje, anw be wuli ka se dugumaaw ma, an be sigi ka baro ke u kunkow kan, ni ben kera min kan, an b'u bilasira o waleyali la ni feerew ye, walasa ka se k'u mako ne. O bilasirali in fana, an ye min jatemine, ka kene ni Mali sariya ye, makow ka kan ka fesefese cogo min na komini kura ninnu na, o minen tun t'u bolo, a dönniya tun t'u la. O siratige la, an ye maa nini Bamako walasa an ka se k'o seben sorò, min be wele ko komini yiriwalibaaraw waleyalisében. O seben in be an bolo yan i n'a fo foro, bee be se ka na sene ke min kono. Ka

**A to be ne 9nan kan**

*ne 8nan to*

masoro n'i nana i be makow soro la, min ye baloko ye, min ye kenyako ye, min ye kalanko ye, min ye jiko ye, i be o makow bess soro a la. O seben in labenna komini saba ninnu fe. O kofe, an ye baara boloda. Baara bolodalen, an y'a laje, geleyaba be minnu



*World Vision ka baara fôlo sabatita ye siggda maa bess ka bongola siraw boli ye*

na, an y'an nesin olu ma fôlo, i n'a fo baloko ni kalanko. Nk'a kera World Vision ni kominiw ka hakilijagabô kono. San saba in kono, an ni kominiw se mana ke minnu ye an b'olu jira.

**Jekabaara : Sansaba-baara in kono, i ka kolosili be ka boli a kan ko aw ka timinandiya na nobo wa ?**

**M. O. G. :** Ow, a be ka nobo, o yere de ye an ka timinandiya kunba do ye. Hali n'a y'a soro geleyaw be yen, k'a sababu ke sanjinabaliya ni ko werew ye. N be se k'a fo ko geleya tun te yen, nin waati tun te an yoro yan. Nka, n b'a nini Ala fe, san nataw k'a soro an ye geleya ninnu lateme. O temenen kô, n y'a f'i ye cogo min, an ka baaraw be ke ni feerew de ye. Ka masoro adama-

den, ni i be baara o baara ke, hali n'a y'a soro i b'a ke ni hakili fanga ye, i fanga te se ka fosi ne n'i ma a ke ni feere ye. O siratige la, an y'an ka baara damine ni feere ye, feere min i n'a fo n'i ye doni ta a fiyemanyoro suguya dôw la, i be se k'a kôrta ka soro i ma segen.

ma fo k'u k'a di gansan. A dabora nogoya de kanma, ani k'a ke nafa ye komini saba in ce n'a muso, denmisén ni maakoro bess lajelen ma, walasa baara ka ke, soro ka yiriwa. O hukumu kono, i be no toni 10 nogonna soro u kelen kelenne bess kono. Fen min ye senye yiriwali baaraw temesiraw ye, an ye jatemine ke, walasa senekela ka fen soro senye la bi, fo a baaraw keminenw ka soro a bolo.

O siratige la, an ye senekela dôw jatemine, ka daba ni misiw ani wotoro ni fali di olu ma, walasa u be se ka baara ke ni fanga ni feere ye. O temenen kô, an ye tubabunogo d'u ma. Sabu dugukollow noggo dggoyalen don kosebe. O kô, an ye senekela maa kemé saba nogon kalan senye yiriwali baaraw feerew waleyacogo la. Ninnu ye feerew ye an ye minnu sigi sen kan senye yiriwali ta fan fe.

O temenen kô, an nana ni sumansi telin ye, walasa ka yelema don soro cogoya la. Ka masoro o si telin suguya duuru be soro an ka senekelaw bolo bi-bi-in na. Maa minnu ye do senye la salon, o tigiw bess ye soro ke kosebe. O tuma, n'i y'a laje, yoro dôw la, sanji milimetere 600 be na, yoro dôw la milimetere 300 be na. 300 be na yoro minnu na soro be ke yen, milimetere 600 be na yoro minnu na, soro te ke yen, o tuma, nininkali ka kan ka ke nosiko la. O siratige la, n be n miiri, ninan kô san damado, ni maaw tugura o siw la, geleyaw be ban pewu.

Fen min ye kalanko ye, n'o y'an ka baara filanan ye, an ye lakoliso 12 nogon n'a negenw jo, ka fara karamogow ka birow kan, ani kalankeminenw, walasa denmisénw ka kalan ke nogoya la.

*A to be ne 10nan kan*

*ne 9nan*

Jekabaara boko 214

Utikalo san 2003

**ne 9nan to**

A filanan ye min ye kalanko la, an ye lakolikaramogó dōw kalan karamogoya kalan na, walasa u bē se ka denmisénw kalan. Ni Ala sónna, don nataw la, an bē komini naani in lakokaramogow bēs kalan, walasa denmisénw bē kalan nafama sōrō. Sabu ni maaw kumana ko denmisénw te fēn dōn, ni karamogow te fēn dōn denmisénw bē fēn dōn cogodi ?

Fēn min ye fērē sabanan ye kalanko ta fan fē, o ye denmisénw ka kalankeminenko ye. Ka masorō an bē don min na i n'a fōbi, kalankeminenko kelen bē ka bangebaga caman bali k'u denw bila ka taa lakoli la. Ka d'a kan, u bē jōrō ni baloko ye, sanko ka kalankeminén san u denw ye.

Bi-bi in na, a b'an seko k'o la. Ani lakoliso fēn o fēn bē komini kofolen ninnu kōnō, an b'u bēs dēmē ni kalankeminénw ye. O temenén kō, an bē to ka ladiyalifénw di kalanden njanaw ma.

Ninnu ye fērēw ye an ye minnu kē kalanko ni baloko la. N'yā fō cogo min, ni baloko sera ka jēnabō, kō caman bē yen o bē nōgōya kēneyako ni kalanko la. Ka masorō ni baloko geléya donna ko o ko la, o bē tijē. O la, ni baloko sera ka nōgōya, hali ni kalandenw b'ē yen minnu te taa kalyorō la, n ka ni balo sōrōla, olu ka kan ka se ka kalan kē. Ninnu de ye an ka fērēw bonya ye baloko ta fan fē. Nka an ma jinē fēn min kō, o ye kēneyako ye.

Kerenkerennenyia la, Sida. Ka d'a kan, an ye nafolo caman don o jēfōli da fē, min kera sababu ye maa 3 000 ka faamuyali sōrō a sōrcogo kan, ani i yē tangacogo a ma. O temené kō, an b'a kanu fana ka musow ni cew ka jēkuluw dēmē walasa ka dō fara u ka sōrō kan. Ka masorō hakilina

b'u la ka baara kē, nka fērē t'u bolo k'a kē. O la, an bē dēmēni kē walasa ka sōrō yiriwa. N'o bōra yen, warimarakesu ni jurudonkesu b'an bolo, walasa jēkuluw ni gurupumanw bē se ka na wari ta ka baara kē n'a ye. O temenén kō, an bē kalan di komini jēmaaw ma walasa u bē se k'u ka baara kētaw faamu cogo min, ani u ka se ka fērēw dōn, ka fara fēn caman wērēw kān.

**Jekabaara : Aw sera k'a jeniyorō fin balikukalanko la Nonsonbugu mara kōnō yan ?**

**M. O. G. :** Owō, an sera ka dō k'o la.

Ka d'a kan, an balimamuso Sitan Goyita min ye an ka baliku-kalanko kōlōsibaga ye, ale ye caman kē a la jinan. O hukumu kōnō, balikukalan, an ye fērē min tige a la, o kera fērē 3 ye :

1, ka maaw kalan, u fana ka se ka maa wērēw kalan, n'anw te yan don min kalan kana jo.

2, ka maaw kalan, u ka se ka fēn dōn, k'u makow ne.

3. An ma dan karamogow ni maa wērēw kalanni ma, an ye fērē dōw don jekuluw kōrō minnu sónna kalan in ma, u ka baara wērēw kē a bē fō minnu ma ko bolomayelema, n'o ye jago misénw n'a nōgōnnaw ye, ka fara bolibaaraw degeli kan, i n'a fō safinedilan, galadon. O hukumu kōnō, an ye musojekulu dōw kalan o baaraw la, min sababu bōra balikukalan na.

Fēn min ye kēneyako ye, an ni dōgōtōrōso maaw bolo bē nōgōn bolo baara nōgōnya siratige la.

Nōnté, an yērē ma wuli k'an damanabaara kē kēneyako sabatili walew la fōlo.

**Jekabaara : I ka kuma laban ye jumēn ye ?**

**M. O. G. :** O diyara n ye Fane.

**Fōlo**, n'i ye yiriwali jatemine, kabini yērēmahōrōnya tara, an bē se k'a fō ko dēmējekuluko daminena. An te se k'a fō ko fēn ma kē, dō kera, ka d'a kan geléya caman temené, ani fērē caman sōrōla. Nka an hakili bē min kan, halisa an ka wasa kosebē. A kera dēmējekulu maaw ye o, a kera dugumaaw ye o, an bē se k'a fō ko caman de b'an kō. World Vision miirina ye min ye, baarakelaw bēs k'u bolo di nōgōn ma. Ka masorō n'i y'a ye ko fērēw ma u kun ne halisa, o b'a jira ko dēmējekuluw ma fara nōgōn kan cogo dō la ka baaraw kē ka fērēw sōrō o la. Nōnté, wari caman donna jamana kōnō de ! O tuma, welekan min bē ne bolo, o bē jēsin dēmējekuluw baarakelaw yērē de ma. Dēmējekuluw ka ca, nka n'i y'a jatemine, dō bē baara dō kē, dō wērē bē segin o kelen kan. O tuma, f'an ka nōgōn faamu baaraw taacogo kan.

A filanan ye min ye, n b'a jira Nonsonbugukaw la, ko World Vision ma na k'a bēna u bō nōgō la. A nana de u k'u fanga fara nōgōn kan walasa yiriwali baaraw kē kē, sigidaw ka yiriwa.

**A sabanan** ye min ye, komini 4 in kōnō, World Vision baarakela fēn o fēn bē Nonsonbugu yan, a kelen-kelenna bēs ye du kelen sōrō. Min sera k'a ta jo o, min ma se k'a jo, bēs ye dō sōrō.

O tuma, n b'o foli kē jatigw ye. O temenén kō, k'a jinī u fē, mara cemanbōli min file min ye, maa te na maa ka yōrō dilan a ye tugun. O hukumu kōnō, komini te dilan a kōnōmaaw yērēw kō, w'a te dilan nisōngōw ni takisiw sarabaliyafana kan.

**Yusufu Fane**

## An ka je ka faantaya silatunu

Tijne don, kabi dinesigi fajiri-da waatiw la Ala ye fennuman bëe n'a sinafen

bi faantanya keleli feerew tigeli n'u siraw boli kanma min jemaaaya be madamu Si Kajatu



Faantanya kelerebere föö ye baara ye

dilan. Numanw b'o sinafenw la cogo min, juguman fana b'a la ten. Ce ni muso, sanfe ni duguma, kuluba ni fugaba, balo ni saya, kenyea ni bana, kunnawolo ni lebu, faamaya ni faantanya... Nka, Ala ye nin sawuraw bëe lasoroli sababu ke adamaden yere jogo de ye. «Maa te ke fen ye i yere ko, maa te bone fen na i yere ko». Faamaya be lajini cogo min na k'a lasor, faantana fana be kele o cogo kelen na k'a silatunu ! Jogoyelemako dörön don. Faantanya n'a sorosiraw be taa njogon fe. N'o siraw la belebele ye dunfen danmatemni ye sorofen hake kan, an k'a dön ko kunfinya ni sigida ani lamini tijeni fana y'a sira jönjön döw ye, ka se kenyea matarafafenw ntanya ma, barisa kenyea te yoro min, faantanya de be masaya yen.


Demeton b'an ka jamana kono

So bolo, n'a bololafaraw be, Kayimara ni Kulukoro mara la. An ka taama senfe Kolokani kafo kono, an ni demeton in bolofara jemaa do masalara, n'o ye Masa Mokutari Tarawele ye. Sanjikorowcoosi de te don joona, nonte u be wulikajo la Kolokani haali. Yeremarakofo (komini) tan de be Kolokani. Demeton ka wulikajo yeelen sera

yeremarakofo wooro la ka ban. Awa, fen min ye kalansow ye ani lakolisow, ka se kolonbaw ma, faantanya keleli demeton in y'o caman waleya Kolokani yeremarakafow kono. Awa a ni sigida banumanketonw (ONG) ka bolidijogonma de be baara ninnu bëe waleya njogon fe...

N b'a fe ka min fo, o de ye ko adamaden yerekun de y'a kunkanko bëe sababu ye, fo n'a bora waatise-saya la. Ni den min kun dira bi, siga t'a la, don do o janaja jama be sigi ! N'a bora saya la, dñefen foyi te adamaden lasor a yere kewale ko : (sen taayoro, bolo ka difen walima a ka minfen, da ka fotaw, yerekun ni sigida lakanacogo, adamadenya taabolo, hali hakilinaw ) Nin bëe de kanma n b'a fo ko an k'an yere deme k'an ka faantanya kel. N'o kera an ka faantanya keltonw be no bo u taabolo la.

**Tumani Yalam Sidibe**



Sigida ka netabaaraw te walaya sigida maaw yere ko

## An ka yele doonin Nsonw ni fali

Fali kelen soñeni nofè, nsonke fila tun be kele la. U yere ye julo-kiw bo ñogon kanma.

Nsonke kelen tun b'a fe ka fali soñenen in k'a ka baarafen ye, k'a mara. Nsonke to kelen ko ayi, k'ale be t'a feere de k'a wari k'a n'a ka denbayá balo ye. U ma ben kelen ma ne si ma. Ne fila fen kelen kan, o te taa ne kelen datuguni k'o d'e ! Nsonke fila ninnu y'u ke ñogon kan. U be c'e ci ñogon na. I komi u bec tun ye disiferebaw ye, u ma se ñogon na ne si ma. U dun ma ñogon to yen de.

Ka bi tile b'a bowaati la, fo ka tile se kuncé, u be ka cefere ci ñogon kaman koro U yere ne tun te falike la belen. U hakili tun t'a la ! Nsonke fila ninnu kumbereku-

ruw tun gasolen be ñogonna waati min ; u ñonkonkuruw tun gasolen be ñogon na waati min ; u kunkolow be ñogon kanfurance la waati min, o waati de kera nsonke sabanan nawaati ye. O ma fila ke, a ma saba ke. A ye falike nemenemé foni ka sira miné n'a ye ka taa, hali a senkan ma bo.

O waati bec y'a soro nsonke fila folo be ñogon na. U be c'e ci ñogon na cogo min, u b'a ci ñogon na ten. U ka ñogontakafili banbali de senfe, nsonke folo ne cura fali soñenen joyoro lankolon kan. A y'i to to kelen kun san-ni-duguce, k'i kanto ko : "ee, n'kele ñogon, jaa an be boli kunna an te min sonkan don dere ! An be kele la gansan, nonte falitigi taara n'a ka

fali ye".

Nsonke do in ko ko : "i ko di ! jaa !"

Kuma were ma fo u fe belen, barisa tile tilance kelen kele segen, ni falinin taacogo jigilatige y'u bee labin. U ye tile to k'u no na. Wuladanin fe, fitiri masuru-nya la, u kelen k'u hakili lasoro kokura, u wulila, ka ñogon laje, k'u ñekumu tige ñogon na, k'u kodon ñogon ma. Do taara koronfe, do taara tilebin fe. O waati y'a soro fali tabaga tigitigi ka faliwari b'a kun heredimusow ni dolo buteliw ce ro, k'a ka nbendiya k'a ne ma !

Aw m'a ye nson yere ma ke den ye abada sanko à woloba k'a k'a wasofen ye !

**Nin hakilina bora ntaalentigi  
"La Fonten ntaalentigi" ka ntaa-  
len de la (nsonw ni faliw)**

A labenna

Tumani Yalam Sidibe fe

### ne 5nan to

bi. Welesebugu komini ye seneda komini ye ani bagammarayoro (koori, tiga, ani sumanw-ka fara baganw kan). Koori wurusi izini kelen be Welesebugu. Awa, OHVN ni CMDT ani bañumanketonw (PAE, Islamic relief)... be k'u kogo da a ne ma komini ka netaa siraw boli la. Welesebugu komini ni Pontiwi (Faransi jamana komini do) ka babenyasira kera sababu ye ka sankorotali don kalanko ; kenyako ani baaraminenko la Welesebugu...

### Welesebugu kumandan Sori Iburahima Sise ko di ?

Dugu 72 de be Welesebugu kubeda kono. Kumandan de ye goferenama togolamogo ye sigida kono (kubo) desantarali-

zasonko waati in na. Awa kubo kono foroba cakeda bec ne maaya b'a ka bolo kan. A be ladilikan numan demedon ke ka nesin meriw ma. Ale be meri nonabila maaw walima sigidaw ni ñogonce fognogonkow nenaboli la.

**Kolosili :** Nin nininkaliw kuncébolo kumaw ninina Fode Kumare fe, n'o ye Otiwale (OHVN) sekiteri ne maaya ye. Ale y'a ka nisondiya jira an na. A ko olu ma cesiri ke bolokofeko ye waati si sené keko numan nejinnini n'a matarafali la. Awa, Fode ka fo la, koori numan be cike Welesebugu fe. O bec n'a ta fana u be sumansene k'a ne ma, ka dunkafa soro ani ka jamana nafa. Bees b'a don ko ni koori mafalenna suman na foro min kono, o be soro sankorota sumanko la. Awa

Welesebugu cikela fanba y'o de faamuya.

**Tumani Yalam Sidibe  
Baara kera Sinali Samake  
ne na, n'o ye Nkorobugu baliku-  
kalankaramogo folo ye.**

**Jekabaara**  
Labolikuntigi Seben nekulu kintigui  
Tumani Yalam Sidibe  
Seben nekulu  
Yusufu Fane  
Bakari Sangare  
Usumani N Tarawele (CMDT)  
Tumani Yalam Sidibe  
Demengonw  
Fanta Kulubali  
Idirisa Setigi Sako  
Bonifasi Danbele  
Negenw kebagu  
Yakuba Jara ko Kayi  
Labenbaga ordinateri la  
Wordkiyatou S  
Baarakengonw  
CMDT-World Vision - Ofisi Nizeri -  
Ofisi in OHVN  
Hake bota : 11000  
Bataksira : 2043  
Negejurusira : 229 62 89  
Jamana baarada Siki zayedti togola  
sira Hamudalayi kin - Bamako